



QUÆSTIO MEDICA,

CARDINALITIIS DISPUTATIONIBUS

manè discutienda in Scholis Medicorum, die Jovis

4 Martii 1723.

PRÆSIDE M. NICOLAO ANDRY,

Doctore Medico, Lectore ac Professore Regio, necnon
Librorum Censore.

An præcipua valetudinis tutela exercitatio?

I.



IN iis omnibus quæ ad bonam integramque corporis constitutionem tuendam, plurimosque ejusdem languores præcavendos ac propulsandos conferre maxime valent, primum sibi locum vindicat exercitatio: est enim hæc caloris innati fuscitrix, exuperantium humorum castigatrix, corruptorum emendatrix, agilitatis ac promptitudinis artuum parens legitima, nervis ac juncturis roborandis idoneum auxilium, necnon efficacior aperitionis pororum ac meatuum causa: unde fit ut singulæ corporis partes firmentur, instaurentur, omnium sensuum munera obeantur alacrius, liberior evadat aeris inspiratio & expiratio, cordis vigor ac robur conservetur, partes quoque nutritioni inservientes alimenta melius digerant, assimilent, eorumque residuum citius eliminent. Segnities corpus hebetat, ob nimiam scilicet & diuturnam quietem spiritus animales motuum opifices situm ferè contrahunt, ac nerveum genus torporem quendam induit. Sanguis interea non rite progreditur ut

Jos. Quercet.
Dieteticæ Poly-
histor.

27.



que ad extremos & minimos arteriatum ramulos, sed obstructions fiunt, & cruor ab infarciēte materiā interclusus ab ejusdem compedibus se se expedire vix potest. Nativus denique calor quasi sepultus jacet, quem econtra moderatus corporis motus diffundit in omnes partes, unde corporis habitus suffuso colore floridus apparet post-exercitium. In desidiōsis lentorum humorum apparatus aggeritur, Rhumatismos, apoplexias, paralyfes, calculos, arthiritides, aliosque quos hīc recensere longum foret, morbos misere procreans, in quibus omnigena se prodit catarrhorum cohors.

II.

AD valetudinis tutelam, nec tot nec tanta speres à medicamentis, quot & quanta ab exercitio: hoc gaudium & jucundum, ingrata illa: hoc efficacissimum, illa dubii eventus: hoc partes cum solidas, tum fluidas immediate juvat, illa in fluidas duntaxat vim suam exercere solent, & antequam ad sanguinem pervenerint ita immutantur, ut vim illam magnā ex parte amittant. Exercitatio præterea ubique præsto est, nihilque fore est adjumenti & præsidii, quod ab eā expectare sanitas non possit. Vis felicem partum prægnanti conciliare? Quid in hunc finem ambulatione utilius? Dummodo mediis gestationis mensibus instituitur. Vis infanti somnum accersere, ejusque dolores lenire? Quid efficacius quam ipsius agitari in cunis? Quin & adultis eadem quoque est, quibusdam in locis, lēculorum pensilium ratio, qui blando suo motu, debitum sanguinis circuitum restitunt, iisque qui à diuturniore morbo convalescunt apprime conveniunt. Vis Rachitidem præcavere, quin & curare? Quid aptius excogitatum est, quam infantem certis quibusdam fasciis caput & pectus circum-amplexantibus, ac infra axillas & mentum religatis, perque ansulas binas, alteram à dextro latere, à sinistro alteram dispositas, brachiorum exitum sinentibus, iisque ad laquearia longiori fune seu duplici seu quadruplici connexis, suspensum tenere, multiplicique ita & reditu leniter librare? Hac namque oscillatione identidem repetitā relaxantur & distenduntur teneri corporis ligamenta, cui operi perficiendo non mediocriter conducunt varii illi motus quos præ gaudio edit infans, dum sic agitari se, exultat. His enim membrorum subsultibus, spina, brachia & crura in longum porrigi coguntur. Vis in robustis corporibus nativum calorem excitare, succos luxuriantes minuire, crudorum humorum coctionem adjuvare, conditiora reddere cibaria? Id insigniter præstat venatio & aucupium. Vis stomachi languentis tonum firmare, caput & truncum dirigere, extremosque artus? Id præstat equitatio & saltatio. Hæc certe crura & pedes roborat, redditque flexiliora. Utile profecto ac gratum exercitii genus, corpus agile & promptum efficit, mentem exhilarat, vividum colorem conciliat, vultum & reliquum corporis habitum ad decentem & concinnam speciem efformat. Verū illas tantū saltationes choreasque commendamus quæ licitæ sunt, non eas quæ sine honestatis transiliunt, circulatoribusque potius quam hominibus libe-

3
 tali ingenio natis conveniunt. Vis corpus ad validiores labores sustinendos habile reddere, vitales actiones roborare, habitumque crassum & obcæsum extenuare: id præstat sive majoris sive minoris pilæ ludus: Præstat & pilæ-malleus, qui postremus cum adjunctam habeat ambulationem, non solum firmandis brachiis, dorso & cruribus aptissimus est, sed & totius corporis mobilitati procurandæ: Præstat & folliculus, sive pilæ inanis ludus tum majoris quæ ex corio, tum minoris quæ ex scroto taurino aëris intrusionem distento, conficitur; qua exercitatione crura non solum brachiaque potissimum, sed currendo tota corporis moles roboratur: Præstat insigniter Hoplomachia seu digladiatio quæ fit instrumentis ferreis, ensis speciem referentibus, sed obtusis, bovinâque lanugine in acumine vestitis: Præstat & trunculorum ludus propter scilicet celerem incessum, brachii utriusque agitationem, & variam in varias partes corporis complicationem: Præstat etiam globorum sive curtorum ut dicitur, sive longorum lusus, hoc tamen discrimine quod longorum, robustiores lutores juvet. Vis humerum brachiumque dextrum, atque pedum summos digitos obfirmare: Id præstat ludus tudicularis. Harum aliarumve id genus exercitationum maxima certe vis est ad innumeras ægrotudines avertendas, corporique vires addendas: nec certe hic pretereunda exercitia fortiora quæ rusticorum sunt & plebeiorum, ut fodere, remigare, arare, vires putare, metire, onera portare, quibus laboribus abunde demonstratur exercitii vis & præstantia. Rustici enim si duros habent nervos, lacertos fortes, nec podagræ aliisque morbis, divitum domos obsidentibus, obnoxii sunt, Id facit labor diuturnus.

Petr. Goat.
 Exercit. Hygias.

III.

QUANTÆ sint exercitii dotes probat insuper dextræ manûs præstantia: illi enim unde robur quo valet, nisi à frequentiori & fortiori cui assuefacta est exercitio? Neque dicas pedem oculumve dextrum sinistris tamen fortiores, licet non majori exercitio gaudeant, palam ostendere dextræ manûs robur à frequentiori & validiori quem experta est exercitio nullatenus oriri: pes enim dexter oculusque dexter, manûs dextræ privilegio fruuntur necesse est propter eâ quod qui in dextrum latus magnâ copiâ feruntur spiritus, ad dextræ manus officia fortiora obeunda, in cæteras etiam ejusdem lateris partes præ sua luxurie fluant oportet, indeque vis major his partibus accedat. Gentes sunt quibus mos est sinistram manum ab infantia exercere ut cæteris gentibus dexteram, nutricesque apud illas cavent ne recens nati alterâ quam sinistrâ accipiant quæ offeruntur, cæteraquæ faciant quæ apud nos dextrâ fieri solent, hos autem apud populos sinistra est fortior dextrâ, quam ideo imbellem manum vocant. Quibus brachium dextrum amputatum est, sinistrum fortius evadit quàm erat antea, iique sinistrâ manu scribunt, pingunt, suunt dextrime, quæ vis & dexteritas non nisi frequentiori quo tunc movetur pars exercitio re-

ferri debet accepta. Attende præterea ad inertiam illam quam contrahunt nimio quiete partes, cum ob morbi cuiusdam ut fracturæ, luxationis, inflammationis curationem, ab omni motu per plures dies feriuntur, postquam enim diu quieverunt, vix pristini motus libertatem recuperare possunt. Quidam inani metu percussi ne post plures dies à phlebotomiâ celebratâ sanguis erumpat, brachium per plures hebdomadas reclinatum tenent, hi cum tandem brachium educere tentant, vix possunt. Quantum valetudini conducatur exercitatio, magis ut assequamur, in illos homines oculos conijciamus qui desiderem vitam dum agerent, sine lite, sine negotio, suis redditibus placidè viventes, tunc melancholici, decolores, & innumeris ægritudinibus obnoxii erant, at ex quo litibus pro rerum suarum defensione occupantur, iudices & patronos invisunt, forum frequentant, integrâ tandem valetudine potiuntur. Sunt etiam delicatæ virgines quæ in valentioribus nosocomiorum laboribus quibus quotidie exercentur, fortem & robustam adeò valetudinem acquirunt, ut singularem inde omnibus pariant admirationem. Attende quàm prosperâ etiam valetudine utantur plerique Medici euntes atque redeuntes, ascendentes & descendentes, ac semper itantes: in eos præcipuè animum converte qui ægrorum peste infectorum curationi operam navarunt nullis laboribus parcendo; cui tandem prophylactico à tanti mali insidiis suam evasionem deberi putas, nisi exercitio cum summâ tamen animi fortitudine conjuncto? Hujus rei testes sint nuperæ pestis Massiliensis, Aquis, Telonenis, Mariologienis, Canonienis, oppugnatores Medici. Ea est præterea exercitii vis ut mentem à periculi imagine avertendo, formidinem minuat qui transpirationis adeoque vitæ hostis est insensibilissimus, Medicis verò eò magis inuivuit quod apprimè callent pestem in eos crudelius scævire qui animi motibus ac imprimis terrori imperare nesciunt, cui terrori non ita faciliè cedunt periti Medici utpote ab errore vulgi longè distantes, existimantis pestem iis inevitabilem qui peste infectos, aut eorum vestes, aliaque similia tetigerint. Salubrem denique exercitii vim fateare quæ opatos aquarum mineralium effectus tantopere promovet, ut ambiguum relinquatur nûm exercitationi potiùs quàm his aquis referri debeat accepta tot ab ægris sanitas. Constat enim nullius ut plurimum esse adjuvanti, quin & sæpe numero maxime noxias evadere has aquas, nisi, *ambulatione* adjuventur.

IV.

Petr. Gont.
Exercit. Hygias.

EST autem ambulatio quam mox nominavimus, exercitium moderatum ex crurum motu & quiete compositum, cui interviunt femoris, poplitis, tali, & digitorum ad pedem pertinentium articuli, adeoque corpori salubriter exercendo maxime congruum, cum hæ partes moveri sine totius corporis agitatione non possint, undè fit ut non solum inferiores partes juvet, sed & thoracem expurget, ventriculum roborer, acescentibus in eo cibis auxilietur, destillationes capitis diffi-

pet, arenulas è renibus disturber, trementia membra firmet, flatus omnes discutiatur, cerebrum levet. Exercitatio certè omni sexui, naturæ & ætati conveniens ambulatio. Præcipuè tamen pueris & senibus aptissima. Namque senes ob declinantem calorem, & pueri ob nimis recentem vitiosis humorum cruditatibus scatent, quas nisi per cutis poros, aut alias à naturâ institutas vias eliminet exercitatio quædam his ætatibus conveniens, certè multorum morborum præda sunt, quales sunt imprimis, apud pueros, Scrophulæ & Epilepsiæ, quas non nisi lentescens pituitæ fœtus esse frequens experientia docet. Moneantur ergò parentes ut natos ambulationibus exerceri curent, & si fortuna sinat, venationibus & equitationibus, ne, qui in corporis incrementum abire debent succi, vertantur in succos pravos. Omnium autem utilissima juvenibus nobilibus exercitatio est, arma subinde capefcere, equum informare ac ritè agitare, in arenam cursoriam descendere, pugnas ludicras instituire & alia exercitia ad armorum tractationem spectantia, ut congruis exercitationibus bonam corporis valetudinem adipiscantur, eam conservent adeptam, alacrioresque inde ac aptiores ad omnes bellorum labores perferendos evadant, cum occasio se dederit. Pueros verò infantes quibus ob ætatis teneritudinem, exercitia duriora non competunt, sinantur ludis puerilibus indulgere: hi certè ad mollia membra efformanda, & omnium viscerum atque artuum explicationem promovendam aptissimi sunt: & profectò omnes ferè pueros videas qui intra paternæ domûs cancellos privatim educantur, cumque aliis pueris non ludunt, infirmos ut plurimum & languidos; eos è contra qui cum aliis instituuntur, ita ut cum multis ludant, bene valere & robustius esse corpore. Ludorum puerilium delectus tamen est habendus, quidam enim vertiginem inducunt, cerebrum turbant, visui officiant, ut v. g. in gyrum verti, quod pueris familiare, item funibus de tigno arboreve altitrfecus religatis in altum jactari. At sinas pueros apodidascintâ, ascotiasmo, myindâ, trocho, turbine, glande pennatâ, aliisque ludis delectari, quin etiam in arundine longâ equitare, tympanum lateri appensum pulsare. Turbo, quem sub torto verberare volitantem pueri magno in gyro exercent, crura & brachia flexilia efficit, idem sed lenius præstat Trochus quem circumvoluto funiculo illi projiciunt ut diutius apice ferreo quo acuitur, vertatur in gyrum. Glandis pennatæ lusu corpus quandoque varias in partes flecti cogitur, quod membrorum solertia & agilitati, torpidorumque humorum, si qui adsint, correccioni non mediocriter conducit.

Joſ. Cuyter.
D. ætetic. Polyſ.
hiſtor.

V.

SINGULIS itaque ætatibus ad sanitatem tuendam refocillandamve confert exerceri, neque ad eximias exercitii dotes verbis elevandas, objicias quam plures viros, virginesque intra Monasteriorum claustra vitam degentes, nihilo minus bene valere & ad plures annos vitam producere, licèt ab omni ferè exercitio abſtineant. Præterquam

enim quod plerisque Monasteriis horti sunt ubi licet ambulare, quibusdamque Monachorum Ordinibus statuti sunt dies, quibus per rura exspatiari fas est, omnes fere qui in Monasteriis conclusi vivunt, operibus quibusdam student corpori exercendo idoneis, ut v. g. Carthusiani, quorum singuli hortulos habent quos colunt, multis præterea artibus operam navant ut Arti tornavili, minuto-lignariæ, viminis in corbula & canistra effingendi & contexendi, aliisque id genus. At quod prætermitti non debet, magna apud Monachos exercitatio est Chorus. Cantu si quidem mire moventur muscoli oris partiumque circumstantium, & ob frequentem quam subeunt hæ partes contractionem, liquorum transcolatio, expressio & circuitus facilius absolvitur, deincepsque liquida omnia vel remotissima celerius ad motum cientur. Quin & librorum lectio quæ altiori voce fit, & omnis loquela paululum elata, inter optima exercitationum genera recenseri debet. Voce agitantur spiritus non leviter, nec in superficie corporis, ut in frictione fit, quæ tamen sanitati tuendæ adeo conducit, sed velut in ipso fonte, in ipsis visceribus. Hæc causa est cur Monachi conclusi, & claustrales Virgines, quamvis non multo uti videantur exercitio, vitam tamen salubrem ducunt, diu scilicet noctuque vocem exercentes in canendis Deo precibus, & hoc vocis exercitio corporis motum pensantes: Certè spiritus à voce impulsu nervorum fibrillarumque tubulos facilius subeunt, & aër ab organorum vocalium impulsu commotus, ferit & spirituum, & humorum & membrarum systema: hinc debita in humoribus fermentatio & exaltatio, hinc fluiditatis conservatio & transpirationis promotio, quæ omnia remediorum diaphoreticorum ope obtineri nequidem possunt. Tanta denique est vocis & loquelæ in exercendo corpore præstantia, ut id fortasse causæ sit cur femina non tanto aliàs exercitio indigeant, quanto indigent viri, quoniam scilicet sunt illæ naturæ loquaciores, quæ in re providam naturam miteret. Salubris quoque exercitatio est declamatio, neque dici satis potest quantum concionatoribus quibusdam & causidicis prosit ad bonam valetudinem: quin vociferationes & ploratus infantum multum conferunt ad cerebri excrementa repurganda, totiusque corporis incrementum adjuvandum. Neque hic Indorum mos prætereundus, qui quoniam infantes nunquam ferè apud eos lachrimantur & plorant, urticis quandoque tenella corpora pungunt, ut clamitent, ejulent, vociferentur; cujus instituti causam cuilibet sciscitanti non aliam produnt quam natorum suorum valetudinem & longævitatem procurandam. Omnem exercitationis usum tanquam inutilem sanitati servandæ quin & exitiosum damnare ausi sunt Asclepiades & Erasistratus, quietem verò tanquam præcipuum valetudinis tutamen commendare, at certe hæc in re sunt non mediocriter hallucinati. Sua quidem laus est quieti, spiritus reficit, membra labore nimio fessa levat, & ad plurimorum morborum curationem necessaria est, at ideo semper esse quiescendum qui asseret, magno in errore versaretur. Longe facilius quietis quam laboris excessus, atque à pleuritis exercitio contrahi dicuntur, has tamen non tam exercitio,

Plutarch. de
tuend. valend.
Bagliu.
Joi. Quercet.
Dietet. Poly-
hist.

Quævar. in ho-
polog. princ.
Christia. VVar-
ileq: Serutium
Lachrym. Med-
vo-sacrum.

quam subitæ quieti tribuendas esse testatur experientia. Minime vero opponas exercitio corpus conteri, id quidem verum est, at vitam humanam prope uti ferrum esse memineris, hoc si exerceas conteritur, si non, exerceas tubigine inficitur & absimitur. Eâdem ratione homines exercitio videmus conteri, si vero non exerceantur, inertia ac torpore plus detrimenti patiuntur quam si exercerentur; cujus detrimenti levior noxa, articulo impotentia est ad motum; nec mirum id esse ipsa vel magis obvia sensibus anatomia demonstrat. In spatio quo ossium extrema sibi articulantur, humor continetur albicans, tenax & glutinosus, articulorum humor vulgo dictus, ex apertis abcessibus circa articulos obortis effluere solitus, & ad motum partis, quam lubricat, ita necessarius, ut Chirurgi quidam ignari purulentam materiam hanc esse existimantes, & summo studio evacuantes, unâ cum humore motum parti adimunt. Humor autem hic cum præter naturam se habet, motum articuli lædit, maxime tamen si sit vel copiosior quam par est, vel viscidior, vel concretionem quamdam adeptus, unde tunc in parte gravitas, torpor, quin & aliquando sævus dolor & cruciatus exoritur: at nihil magis huic exuperantiæ, visciditati, concretioni prænaturali favet; quam nimia quies, adeoque nihil est quod articulorum lubricitati & mobilitati adversetur magis. Præcipua igitur est sanitatis tutela exercitatio, modo pro variâ ætatis, indolis & sexûs ratione temperetur, huicque accedat temporum opportunitas, necnon & congrua ipsiusmet exercitii mensura, quæ duo postrema, ut de reliquis taceamus, rite habentur, 1^o. si quantum ad tempus attinet, corpus non exerceatur statim à pastu, stomacho enim cibus repleto, si exercitio utaris, spiritus animales ab interioribus ad exteriora corporis magnâ ex parte avocantur, & à coquendis cibis avertuntur, 2^o. Si exonerata prius alvo & vesicâ corpus exerceatur, ne scilicet caloris ab exercitio suscitati & ad habitum commoti vehementiâ, crassiores humores ad angustos cutis meatus appulsi, scabiem, Lichenies, tubercula, abscessus gignant, aut ad cerebrum delati, Epilepsias, aut Apoplexias, vasorum rupturas aut flacciditates. 3^o. Si æstate exercitatio fiat in Solis exortu & post occasum. Vere & autumno duabus circiter horis ab orto Sole. Hieme circa meridiem. Quidam sunt qui ab exercitationibus jubent abstinere primâ die Maii, & postremâ Septembris & Aprilis, prout tunc maxime nocivis, quod præceptum sanæ menti non minus adversatur, quam illud scholæ nescio cujus salernitanæ, nunquam vero satis contemnendæ, quo phlebotomia etiam his diebus interdicitur prout sanitati, *Hydra* in modum, tunc adversa, quin & anserinæ carnis esus, Feminæ duæ in Facultate Medicâ Salernitanâ feruntur maximè floruisse, librosque parturisse doctissimos: his forte Doctores feminis hoc opus Scholæ Salernitanæ titulo insignitum tribuere æquum est, quod viris Medicis adscribere injuriosum foret. Mensuram verò exercitii quod spectat, hæc rite habebitur si exercitii finis fiat cum musculi jam intumescunt, respiratio difficilis efficitur, cutis rubro colote & vivido perfundi cœpta est, corpus sudore diluit, lassitudo subori-

Cato ab aulo.
geli, citatur lib.
11. CAP. 2.

Adrian. Spigel.
de hum. corp.
fabricâ lib. 2.
cap. 3.

Schol. Salern.
text. c. 1.

Trotusa & Re-
becca-guarda.

Lommii cœna
ment. in cels.
Epist. nuncupat.

tur, sed ita fiat hic finis ut ab exercitio statim non quiescat. His legibus parere non possunt homines innumeri, qui victum labore quærentes fere semper laborare coguntur, at eorum plerique cum sint his laboribus assueti, nullum inde damnum patiuntur, quin econtra ita juvantur, ut ad meliorem fortunam si devenerint, & assiduo labori vacare desinant, ægrotent: quâ in re summam divinæ justitiæ clementiam prædicemus quæ hominem in peccati pœnam damnando ad laborem, pœnam injunxit valetudini firmandæ tam idoneam. Cæterum ea est exercitii necessitas & præstantia ut nedum homines, dicam & brutæ animantes, gliribus non exceptis, sed & plantæ ipsæ eo ditius carere impune non possint. humilis viola, ut Quercus altissima, ventis exerceri gaudet.

Ergo præcipua valetudinis tutela Exercitatio.

Proponebat Parisiis LUDOVICUS-JOANNES LE THIEULLIER,
Laudunensis, Baccalaureus Medicus, A. R. S. H. 1723.
à sextâ ad meridiem.

